

НУРИДДИН АМИНЖОН

# ЙИЛЛАР ҚЎШИҒИ

(ДОСТОН)

Тошкент  
«Янги аср авлоди»  
2014

**УЎК: 821.512.133-1**

**КБК: 84(5Ў)7**

**А – 37**

**Аминжон, Нуриддин**

Йиллар қўшиғи: шеърлар / Н.Аминжон. – Тошкент: Янги аср авлоди, 2014. – 56 б.

ISBN 978-9943-27-278-1

Тақдим этилаётган ушбу мўъжазгина мажмуада шоирнинг Ватанни мадҳ этиб ёзган шеърлари жамланган.

Диққатга сазовор томони, кириб келаётган ҳар бир йилга янги ном бериш анъанаси Нуриддин Аминжон шеърларида ўзига хос бадий ифодаларда акс эттирилган.

Китоб мутолаасидан сиз ҳам баҳраманд бўлинг.

**УЎК: 821.512.133-1**

**КБК: 84(5Ў)7**

ISBN 978-9943-27-278-1

© Нуриддин Аминжон, «Йиллар қўшиғи». «Янги аср авлоди». 2014 йил.

## **ЮРТ МЕҲРИГА ПАЙВАНД КҮНГИЛ ИЗҲОРАРИ**

Шеърят шундай серқирра, сержило ва сўз сеҳрининг мўъжизакор қудратини ўзига хос тарзда намоён этадиган ажиб бир оламки, унинг мавзулар қамрови ғоятда кенглиги боис ҳар бир ижодкорнинг кўнгил чаманида бири-биридан нафис, бири-биридан гўзал, ранго-ранг гул-чаклар бўй таратади.

Не-не ўлмас бадиият дурдоналарининг яратилишига асос бўлган ана шундай барҳаёт мавзулардан бири ҳар биримизга она меҳридай мўътабар, кўз қароғимиздай азиз ва оламдаги энг муқаддас гўша – Ватан мавзусидир. Шунинг учун ҳам ҳар бир шоир ўзи туғилиб ўсган она диёрининг шукуҳини тараннум этиб, юртошларининг эзгу орзуларига қанот бахш этган юрт меҳрини, эл қадрини, Ватан мадҳини куйлашни бахт, деб билади. Озод ва обод юртимизнинг поэтик манзараларини яратишни ният қилган истеъдодли шоир Нуриддин Аминжоннинг ушбу мажмуадан ўрин олган шеърларини ўқир эканман, кўз ўнгимда истиқлол қуёшининг ҳаётбахш нурларидан баҳра олган ватанимизнинг гуркираб ривожланаётган шаҳару қишлоқлари, серҳосил боғ-роғларга бурканган водийларию бошоқлари олтиндай товлана-

ётган чексиз буғдойзорлар намоён бўлиб, лола-қизғалдоқлар сочилган қир-адирларда варрак учираётган болакайларнинг шодон қийқириғи қулоғим остида жаранглаётгандай бўлади, назаримда. Зеро, шоирнинг ҳар бир шеърида, ҳар бир мисрасида кўнглимизга ғоятда яқин, юрагимизда жўш ураётган ҳаётбахш қувватдек қудратли, орзуларимиз чаманзоридай суюкли она Диёримиз манзаралари қаламга олинган.

Нуриддин Аминжоннинг «қўшиқ»ларида мамлакатимиз мустақилликка эришган йиллардан бошлаб юртимизда амалга оширилаётган улғувор ўзгаришлар, бунёдкорлик ва яратувчанлик ишқида ёнган юртдошларимизнинг эзгу ишлари ҳамда ўзига хос миллий тараққиёт йўлидан бориб, жаҳон ҳамжамиятида ўзининг муносиб ўрнига эга бўлган она Ўзбекистонимизнинг кўзни қувонтирадиган ёрқин манзаралари тарафнам этилган. Зеро, она Ватанимизнинг истиқлол йилларидан бошланган шонли тараққиёт йўлининг шеърий тасвирини яратишга илҳом берган куч ҳам «атрофида қуёш парвона бўлган», умид ва келажак тимсолига айланган она Диёр меҳридир. Шунинг учун ҳам шоир Қамчиқ довони оша ётқизилган равон йўлларнинг қурилиши ҳақидаги «Асрнинг буюк иши» шеърида ана шу илҳомбахш туйғуни таърифлаб:

*Кўзларни равшан этди янги ҳаёт жилваси,  
Сўзларда шукроналик – озодликнинг шеваси,*

– деб ёзади.

Дарҳақиқат, тўпламни варақлар экансиз, бу шеърларнинг шунчаки оддий назмий асарлар эмас, балки истиқлолимизнинг ўзига хос бадиий солномаси эканлигига ўзингиз ҳам амин бўласиз. Шоир таъбири билан айтганда, бугун юртимизнинг қай бир обод гўшасига қадам ранжида қилмайлик, «эл ишига барча бирдай камарбаста»лигини кўрамиз. Фидойи халқимизнинг бунёдкорона меҳнати бугунги кунда дунёни ром айлаётганидан шукроналик туйғуси шоирнинг бир шеърида шундай тасвирланади:

*Юзин очди пинҳон қолган муддаолар,  
Ҳурлик борки, тинмайди ҳеч бу наволар,  
Чиқмоқдамиз баланд-баланд доволарга,  
Шукрларким, етдик шундай замонларга.*

Нуриддин Аминжоннинг «Бахтномамиз», «Янги аср, хуш келдинг», «Яхши ният», «Тинчлик элчиси», «Амир Темур руҳи шод», «Юксалиш», «Тақдиримсан, бахтимсан» каби шеърларини ўқир эканмиз, истиқлол қуёшидан баҳра олган озод юртимизнинг гўзал ва бетакрор манзаралари, Ҳумо қуши қанотларига битилган ҳурлик қўшиғининг барҳаёт наволари, улуғ аждодларимизнинг эзгу ишлари ва анъаналарининг давомийлиги, нуроний отахонларимиз чеҳрасида акс этган хотиржамлик, оналар алласи орқали мурғак кўнгилларга кўчган бокира орзулар, маънавий қадриятларимизни тиклаш ва ривожлантириш борасида амалга оширилаётган ислохотлар самарасидан мамнунлик, саратонни ҳам тизгинлай олган миришкор деҳқонларимизнинг

кафтидаги қут-барака тимсоли бўлиб ярқирган бошоқлар таровати ва истиқболи ойдин диёр келажаги бўлмиш ёшларимизнинг оламшумул ютуқларидан шукроналик ҳиссини туямиз.

Обод диёрнинг кўзни қувонтирадиган қиёфасини кўрган шоир «орзуларининг рўёбидан кўзлари чароғон» бўлиб, халқимизнинг ўзлигини танитмоқ имконини берган «хурликнинг умри бепоён» бўлишини тилайди:

*Йиллар очди фаровонлик дастурхонини,  
Яширолмас кўзлар ҳайрат, ҳаяжонини,  
Она Замин тўкин бергач пахта, донини,  
Узоқ умр тилаб, алқаб юрт Сарбонини –  
Ватандошим, айтадурсиз, шараф-шонини:  
«Қадр-қимматим, таянчим ва ифтихоримсан,  
Мустақил Ўзбекистон!»*

Шоирнинг «Тақдиримсан, бахтимсан» номли шеъри Ватанимиз мустақиллигининг йигирма икки йиллигига бағишлаб яратилган бўлиб, унда саҳий қуёш аямай ўзининг меҳр нурини сочаётган диёримизда ҳар тонг тарихнинг янги бир зарварағи очилаётгани, эзгу ниятларнинг рўёбга чиқаётганлиги кўнгилларга гурур ва ифтихор бахш этиши, «Хизр назар қилган эл» фарзандларининг кўзларида мисли гавҳардек порлаган Ватан ишқи оддий бир самимият ила куйланган. Ана шу шеърдаги «Баркамол авлод ўсар қўлда имкон, иқтидор, Дунёни ром айламоқ бахти бўлган барқарор» мисралари бутун тўпламнинг асосий моҳиятини ўзида акс эттир-

гандек, назаримизда. Мамлакатимизда ҳар томонлама етук, билимли, зукко, соғлом ва баркамол ёш авлодни тарбиялаб вояга етказиш учун ғоят кенг имкониятлар мавжудлиги, она Диёримизнинг ёрқин келажаги йўлида амалга оширилаётган ислохотларда ёшлар фаол иштирок этаётганлиги, жаҳоннинг энг ривожланган мамлакатларидаги тенгдошларидан сираям кам бўлмаган ёшларимизнинг фан ва таълим, спорт ва маданият соҳасида эришаётган оламшумул ютуқлари бугун ҳаммамизни бирдек қувонтирмакда. Зеро, шоир Нуриддин Аминжон ҳам ҳар биримизнинг кўнгил уйимизга айланган Она-Ватан меҳрини куйлаш орқали оддийгина ўзбекона ташбеҳлар ила тасвирланган улўғвор тараққиётимиздан ғурурланиш ва юртимизни кўз қорачиғидай асраш ғоясини ёшлар қалбига янада чуқурроқ сингдиришга ўз ҳиссасини қўшишни ният қилган.

Халқимизда, «Ният қилсанг, етарсан» деган гап бор. Ўйлаймизки, жаннатмакон юртимиз – она Ўзбекистонимизни дилдан севган ва унинг ҳар бир ҳудудида амалга оширилаётган улўғвор ўзгаришларни кўриб қалби ҳаяжондан осмон қадар юксалган шоир Нуриддин Аминжоннинг самимиятга йўғрилган шеърларидан тузилган мазкур тўплами китобхонларнинг кўнгил мулкига айланади.

*Маматқул ЖЎРАЕВ,  
филология фанлари доктори, профессор*

## **1991 йил 31 август**

Қалбни гар булоқ десак шукрона оқиб чиқди,  
Юртбошим залдагилар кўзига боқиб чиқди.

Ҳеч бир замон кўрмаган воқеа очди жамол,  
Аллоҳ сийлаган САРБОН эълон қилди:  
ИСТИҚЛОЛ!

Минбар қалқди, шу куни қалқиди  
ЎЗБЕКИСТОН,  
МУСТАҚИЛЛИК сўзидан қуёшдек балқди  
жаҳон.

Шу кундан эътиборан равонлашди йўлимиз,  
Озодликнинг мадҳида толиқмайди тилимиз.

## **ЕТДИК ШУНДАЙ ЗАМОНЛАРГА**

Йўлим ёруғ, ўрин йўқдир туманларга,  
Вафо мезон, алданмайман гумонларга,  
Ҳақдан сўрай, берсин инсоф ёмонларга,  
Эрк қуёши кулди бизнинг томонларда,  
Шукрларким, етдик шундай замонларга.

Аршга етди бомдоддаги илтижолар,  
Юзин очди пинҳон қолган муддаолар,  
Ҳурлик борки, тинмайди ҳеч бу наволар,  
Чиқмоқдамиз баланд-баланд доvonларга,  
Шукрларким, етдик шундай замонларга.



Тақдир бизни ҳар томонга учирдику,  
Солномадан мутеликни ўчирдику,  
Дилда борин тилимизга кўчирдику,  
Учмагаймиз турли-туман бўҳтонларга,  
Шукрларким, етдик шундай замонларга.

Келгусимиз қад ростлагай аста-аста,  
Эркпарварлар қўлидадур яловдаста,  
Эл ишига барча бирдай камарбаста,  
Энди Аллоҳ дуч қилмасин тўфонларга,  
Шукрларким, етдик шундай замонларга.

Ер шарининг энг тўрида ўрнимиз бор,  
Юракдаги орзуларга бу дунё тор,  
Истиқлолдан умидимиз чин устувор,  
Кел, Нуриддин, илҳоминг бер хушхонларга,  
Шукрларким, етдик шундай замонларга.

## **ОЗОД ЮРТ ТИМСОЛЛАРИ**

Истиқлолнинг қуёши нурлантирди барчани,  
Имконият калити очди барча дарчани.  
Озод юрт тимсолларин яратмоқ олий ният.  
Байроғимиз туғилди, бу рамзи голибият.  
Гербимизда қанотин Ҳумо очиб турибди,  
Пахта, буғдой ҳам водий чирой сочиб турибди.  
Мадҳиямиз яралиб, тилларга кўчиб кетди,  
Бизга хайрихоҳ эллар сатҳини қучиб кетди.  
Саккизинчи декабрь бахтномамиз кунидир,  
Халқнинг бахти қомуснинг асосий мазмунидир.

## **БАХТНОМАМИЗ**

Кўкда офтоб нур сочса,  
Ерда Қомус нур сочар.  
Биз борар келажакка,  
Бахтномамиз йўл очар.

Ҳақ-ҳуқуқлар қомуси,  
Абад яшаб қолғуси.  
Адолат шеваларин,  
Кўнгилларга солғуси.

Оталарнинг бардоши,  
Оналар сабр тоши –  
Қутган манба шу китоб,  
Қалбларнинг эрк қуёши.

Сўзлар дури унда жам,  
Кўзлар нури унда жам.  
Оқиллар заковати,  
Эл ғурури унда жам.

У асрлар ошади,  
Аср-умр қўшади.  
Ўқиган соҳиб китоб,  
Фикри бойиб, жўшади.

Дўстим, қолмасдан ғофил,  
Бу китобни тавоф қил.  
Доно-ю зукколигинг,  
Авлодингга қолар, бил!

## АСРНИНГ БУЮК ИШИ

Пойтахт билан водийни боғлар йўли ўйланди,  
Юртбошимиз бош бўлиб, режа ишга бойланди.  
«Бор кучимиз «Қамчиқ»нинг кўксин тешиб ўтади,  
Водийлик юртдош шунда йўл вақтидан ютади».  
Довон аввал қайсарлик шаштини ушлаб турди,  
Йўлқуларлар қайсарнинг кўксига муштлаб кўрди.  
Мушт еган тоғ бағрини очиб берди тоннелга,  
Ана энди равон йўл хизмат бошлади элга.  
Йигирманчи асрнинг сўнгги буюк иши шу,  
Иншоот Бош меъморин эл-юрт алқайди мангу.

Тўққиз баҳорни кўрдик, тўққиз ёз ҳам кўлди хуш,  
Истиқлолий ҳар бир йил онгга жойлади улуш.  
Кўзларни равшан этди янги ҳаёт жилваси,  
Сўзларда шукроналик – озодликнинг шеваси.  
Иқтисод, молияни яхши билган Юртбошим,  
Темур бобом йўригин ният қилган Юртбошим,  
Атрофига тўплади илғор фикр кадрни,  
Улар кўзида кўрди содиқликни, қадрни.  
Тарк айлади кўзларни ором берар уйқулар,  
Сингди режалар аро рўёб топар орзулар.  
Ҳар соҳага эътибор, ислохотлар бошланди,  
Ғанимлар юзи қаро нигоҳлари ёшланди.  
Истиқлолим кундан-кун ўсди, шахдам қадамли,  
«Наврўз»у «Мустақиллик куни» каби байрамли.  
Аср охирлаб борар, янгиси ҳурлик асри,  
Юртнинг бутун дунёга донғи машҳурлик асри.

## **ЯНГИ АСР, ХУШ КЕЛДИНГ**

Янги аср хуш келдинг кулиб,  
Бағринг эзгу мақсадга тўлиб.  
Қуёш кезар парвонанг бўлиб,  
Асрий орзу сенда кулажак,  
Сен умидсан, сенсан келажак.

Сен улғайиб сония сайин,  
Кучга тўлиб бормоғинг тайин.  
Мадҳингга шеър, куйлар бойлайин.  
Асрий орзу сенда кулажак,  
Сен умидсан, сенсан келажак.

Ҳар кунингда гуллайди армон,  
Истиқлолга битилгай дoston.  
Эркпарварлар қалбида тугён,  
Асрий орзу сенда кулажак,  
Сен умидсан, сенсан келажак.

Ўзбек деган ўғлинг қадди роз,  
Илдам борар режаси парвоз.  
Яхши ният ҳамроҳу ҳамроз,  
Асрий орзу сенда кулажак,  
Сен умидсан, сенсан келажак.

Диллар аро иймон барқарор,  
Сенда топар қадр, эътибор.  
Нуриддин ҳам сенга бўлиб ёр,  
Асрий орзу сенда кулажак,  
Сен умидсан, сенсан келажак.

## ЯХШИ НИЯТ

Кирдик янги асрга бир олам ният билан,  
Кутиб олди аср ҳам қутлаб ҳуррият билан.  
Мевага кирди, шукр мустақиллик ниҳоли,  
Ҳар эришган ютуқда келажакнинг висоли.  
Кундан-кунга янги тус олиб борар шаҳарлар,  
Қишлоқларга қут ёғар, меҳнат қутар саҳарлар.  
Кўтаринки кайфият бошқаради инсонни,  
Самарали ишларга сарф этишар ҳар онни.  
Уқуви борки инсон ҳаётини созлади,  
Дастурхонин тўкинлаб, уйини пардозлади.  
«Яхши ният – ярим мол» нақдига ким амалда,  
Ният қилиб иш бошлар бўлса саҳар маҳалда,  
Иши топиб барорин оиласини шод этди,  
Мустақиллик неъматин қадрига энди етди.  
Зулм кўрган боболар қалби дарёдай тошиқ,  
Аллоҳга шукроналар улар айтган ҳар қўшиқ.

## **БАХТИНГ БАРҚАРОР БЎЛСИН**

Ватаним, сенда азиз авлиёлар изи бор,  
Темур бобом қолдирган панду ўғит сўзи бор.  
Муслимларинг гурурли, чунки сенинг бағрингда,  
Аллоҳим нозил этган илк Қуръоннинг ўзи бор.

Меҳр сочар қуёш ҳам сендек буюк Ватанга,  
Қатағондан кўнгли чок, бағри куюк Ватанга.  
Хизр назар қилган эл қадрингга жон садаға,  
Айланолдинг озод, ҳур, обод, суюк Ватанга.

Шон-шуҳратинг қамрови ўраб олгай дунёни,  
Бойликларинг қудрати сўраб қолгай дунёни.  
Танлаган тўғри йўлинг элим, порлоқ, фаровон,  
Келган ҳар омад, ютуқ яйратар ер, самони.

Дуо қилгай оталар: «Тинчлик доим ёр бўлсин,  
Заминда ЎЗБЕКИСТОН жаннати диёр бўлсин».  
Дуолар инобатин Аллоҳ қилиб мағфират,  
Яловбардор ўзбекнинг бахти барқарор бўлсин!

## **ТИНЧЛИК ЭЛЧИСИ**

Дунёни тан олдирмоқ йўлининг бири спорт,  
Лолу ҳайрон қолдирмоқ олий тадбири спорт.  
Пойтахт ҳусну чиройин довруғи олам аро,  
Келганки кетолмайди, томошалаб, маҳлиё.  
«Спорт – тинчлик элчиси» шиори ҳақ айтилган,  
Спорт ривожли юртда моддий равнақ айтилган.  
Юртбошимиз шахт ила спортга йўл очдилар,  
Теннис корти қурилди, омадга қўл очдилар.

Қизу йигитларимиз ўрганмоққа юз тутди,  
Жаҳон кортларида ҳам ўйнамоққа кўз тутди.  
Ирода, Ойгул, Денис номин бугун ким билмас,  
Уларга ишонамиз, бизларни мулзам қилмас.  
«Тошкент челленжер» ҳамда «Тошкент опен»  
муттасил,  
Теннис қиролларини чорлаб туради ҳар йил.

Ҳар шаҳру ҳар туманда спорт саройи битди,  
Ёшлар оқими тинмай маҳоратин бойитди.  
Сув спорти оммавий тус олди-ку кундан-кун,  
Ким сув билан дўстлашса тани соғ, умри гулгун.  
Синхрон сузишгача юрт шаънига шон қўшди,  
«Сув париси» – малаклар сувда вулқондай жўшди.  
«Ўзбек кураши» кирди халқаролик сафига,  
Ғолиблик ҳам ёнбосди юртдошлар тарафига.  
Қизларимиз соғ ҳамда ўссин дея қоматли,  
Бўлсин дунёда барча гўзаллардан омадли,  
Бадий гимнастикага қаратилди эътибор,  
Гулюзларни кўрмоққа бугун олам интизор.  
Ташкил этилди дунё тажрибаси билмаган,  
Ҳеч мамлакат то ҳануз татбиғини қилмаган,  
Уч босқичга бўлинди маҳоратнинг зинаси,  
Ундаги чемпионлар ўзбегим хазинаси.  
Биринчи босқич «Умид ниҳоллари» номланди,  
Иккинчиси «Баркамол авлод»да давомланди.  
«Универсиада» дея аталди сўнгги босқич,  
Энди дунё баҳсида ғолиблик шаробин ич.

Футбол кексаю ёшнинг хаёлини боғлади,  
Ёшларимиз шиддати ишқибозни чоғлади.  
Осиёда чемпион бўлиш бахти ёр бўлди,  
Эл ишончи уларга доим мададкор бўлди.

Ҳайратланмай илож йўқ, ногирон мард ўғлонлар,  
Ер юзида энг устун, тўп суарар чемпионлар.  
Халқаро андозага мос бир зарур ўйингоҳ,  
Дея Юртбоши мақсад билдирдилар баногоҳ.  
Чилонзорнинг кўксида қад ростлади иншоот,  
Ҳусну тароватига боқиб тўймас коинот.  
«Бунёдкор»нинг Бош меъмор бунёдкорига  
раҳмат,  
Улар кутар чемпион бўлмоқликка кафолат.  
Бу ниятнинг рўёбин ўсмирлар этди бажо,  
Ярим финалга чиқди ўйинда дунё аро.  
Спорт маликаси ҳам байдарка, тош кўтариш,  
Каратэ, таэквандо, баҳсида бош кўтариш,  
Ўлкамизда ривожда спортнинг барча тури,  
Юртимизда етишди боксчиларнинг зўри.  
Ўткирбек Ҳайдаровнинг зарбалари дош талаб,  
Рақиблар кетди икки кўзларига ёш қалаб.  
Маҳаматқодир этди рақиб ҳолин паришон,  
«Андижон мактаби»дан чиқди қанча чемпион,

## **ШОҲСУПАНИНГ ТҶРИДА**

Андижоннинг сувларидан қониб ичган,  
Андижоннинг сойларида шодон кечган.  
Ёшлигидан ҳатто тушда бокс тушиб,  
Баҳсларнинг тугунини зумда ечган.  
Юртдошимиз жаҳоннинг энг зўри бўлди,  
Унинг жойи шоҳсупанинг тўри бўлди.

Тенглар ичра ғалабанинг гаштин суриб,  
Енгилмаслар тақдирини сўлга буриб,



Рақибининг кўзларига боққанча тик,  
Ринг ичинда голибликдан четга суриб,  
Юртдошимиз жаҳоннинг энг зўри бўлди,  
Унинг жойи шоҳсупанинг тўри бўлди.

Боксчининг бўйдорига қарши чиқиб,  
Аниқ-аниқ зарба билан ҳисоб йиғиб,  
Танҳолигин тан олмаган инсон борми,  
Барча қутлар, омад тилар қўлин сиқиб.  
Юртдошимиз жаҳоннинг энг зўри бўлди,  
Унинг жойи шоҳсупанинг тўри бўлди.

Ўзбекистон мадҳияси мадор бўлиб,  
Ишончимиз қалб тўрида тумор бўлиб,  
Ватанининг байроғини кўз-кўз этиб,  
Ҳамюртларин дуосига иқрор бўлиб,  
Андижонлик жаҳоннинг энг зўри бўлди,  
Унинг жойи шоҳсупанинг тўри бўлди.

## **ЎЗДЭУ АВТО**

Равон йўллар танобин тортмоққа авто керак,  
Ўз автосин минмоққа иштиёқ сезар юрак.  
Юртбоши бу ниятнинг ечимига бош бўлди,  
Асакада «ЎЗДЭУ» саноат-қуёш бўлди.  
Мамлакат кўчаларин файзига файз қўшилди,  
«Тико», «Нексия», «Дамас» узоқни яқин қилди.  
Метроси йўқ шаҳарлар метро йўқ деб ўксимас,  
Метронинг хизматини бажо қилмоқда «Дамас».

## **ЕЧИМ**

Муаммолар бесаноқ, топмоқ керак тадбирин,  
«Энг зарури иккита», дея Сарбон олди тин.  
«Еримиз жаннатмакон, остида нефтли уммон,  
Пахта териб олингач ортидан сепайлик дон».  
Нефтни қайта ишловчи корхоналар очди кўз  
Юртбоши режасига ғаллакорлар берди сўз.  
Ўзимизнинг ёқилғи етди, ортди, сотилди,  
Давлат хирмони тўлди, ўз нонимиз тотилди.  
Борки ноз-неъматимиз очкўзлардан қутилди,  
Пахтамизга харидор уйимизда кутилди.  
Бош эгмоғимиз кутган давлатлар доғда қолди,  
Юртбошимиз давралар тўридан ўрин олди.  
Дунёга йўл очилди, дунё бизга чўзди қўл,  
Ёшларга имтиёз бор: Юрт кез, ўқи, олим бўл!

## **ЁШЛАР ЁР-ЁРИ**

Келди ҳурлик, кулди гул-гул ёшлигимиз, ёр-ёр,  
Сайрар боғда қумри, булбул ёшлигимиз, ёр-ёр.

Ватан ишқи кўзимизда мисли гавҳар, ёр-ёр,  
Ҳамроҳимиз одоб-ахлоқ, илму ҳунар, ёр-ёр.

Устоз меҳри қуёш бўлиб, таратар нур, ёр-ёр,  
Чексиз ҳаёт уммонидан терамиз дур, ёр-ёр.

Юртимизнинг келажаги бизлардурмиз, ёр-ёр,  
Бахт қасрини қураш ўғил-қизлардурмиз, ёр-ёр.

## ОГОҲЛИК МУҲАММАСИ

Юртим обод, яшнагай, барчасига эл гувоҳ,  
Саодати истиқлол, тан олмаслик чўнг гуноҳ.  
Шарофати яхшилик, асло йўқдир иштибоҳ,  
Дўстим, кори қабиҳлар учраганда берма роҳ,  
Огоҳликни унутма, огоҳ бўлу бўл огоҳ.

Эл бойлиги – соғ авлод, барча умид шундандир,  
Келажакка чорловчи аҳди, бахтли кундандир.  
Қоқилиб, йиқилмоғинг бад зимистон тундандир,  
Тун бағрини ёрмоққа осмонда кулса ҳам моҳ,  
Огоҳликни унутма, огоҳ бўлу бўл огоҳ.

Ўз уйингнинг тинчига кафилдурсан, сергак тур,  
Маҳаллангга бегона қадам қўйса, фикринг бур,  
Ҳайда ғафлат лашкарин, онкўрларни элдан сур,  
Сенинг қаҳру дастингдан душманга қазилсин чоҳ,  
Огоҳликни унутма, огоҳ бўлу бўл огоҳ.

Инсон ички дунёси синалади сафарда  
Унутма таъкидини шериклик ҳар зафарда,  
Дуога қўш чин дилдан ҳар шому ҳар саҳарда,  
Шундан сенга содиқлик аҳдида турар ҳамроҳ,  
Огоҳликни унутма, огоҳ бўлу бўл огоҳ.

Дараларда майса йўқ, баҳор йиғлаб турмаса,  
Ердан ҳовур ўрлагай булут хаёл сурмаса,  
Лалми қолгай қовжираб у томон нам юрмаса,  
Табиат инжиқлиги муаммоли гоҳ-гоҳ,  
Огоҳликни унутма, огоҳ бўлу бўл огоҳ.

Фитна билан яқининг душманингга айланса,  
Жон томирга тиг уриб, маҳв этмоққа шайланса.  
Тухмат балоси ёғиб икки қўлинг бойланса,  
Не тадбирга журъатинг дуч келарди баногоҳ,  
Огоҳликни нутма, огоҳ бўлу бўл огоҳ.

Дил билан тил бирлиги Аллоҳ суйган бандада,  
Таъмагирлик илати кўзи оч шармандада,  
Ғофил бўлма, юрт ишқи жўш урадир санда-да,  
Нуриддин ёмонликни кўрсанг бўлма хайрихоҳ,  
Огоҳликни нутма, огоҳ бўлу бўл огоҳ.

## **ТАРАҚҚИЁТ**

Бирор зот текширмайди авто олсанг, олавер,  
Истиқдолнинг кучига энди қойил қолавер.  
Қишлоқларга эътибор масаласи кўз очди,  
Президент бу ҳақда ўз нутқида сўз очди.  
«Қишлоқ тараққий топса юртимиз обод», – деди,  
«Ҳаётимиз фаровон, эл одами шод», – деди.  
Ер талабга ер берди, «Иморату боғ қил», – деб,  
«Томорқа қил, ризқинг эк, умрингни бой, чоғ  
қил», – деб.

Инвесторлар чорланди, аҳолига иш келди,  
Меҳнатсевар кимсага ободий турмуш келди.  
Бу кунларни кўрмаган аждодлар ёдга тушди,  
Улар ётган манзиллар қайта бунёдга тушди.

## АМИР ТЕМУР РУҲИ ШОД

Амир Темуру руҳига ҳурмат бажо айланди,  
Ҳақлигин тикламоққа аҳли ижод шайланди.  
Ҳа, бобомиз буюк ҳам суюкликда ҳақ экан,  
Руҳи истиқлол кутиб асрлар илҳақ экан.  
Умри ўтган от миниб, юртлар олган отида,  
Буюк давлат барпоси ҳаёли қанотида.  
У тузган буюк юртга пойтахт эди Самарқанд,  
Ҳайрат, ғайрат манбаи ҳам шахт эди Самарқанд.  
Ўша давлат таланиб ўзбеклар эли қолди,  
Буюкликни тиклаш-чун Юртбоши ўйга толди.  
Тошкентнинг марказида қад ростлади чўнг ҳайкал,  
Бундай ғурур манбаин кўрмаганмиз ҳеч маҳал.  
Амир Темуру бобомиз ғолибликнинг тахтида,  
Гўёки дер: авлодим мангу қолсин бахтида!  
Шу кунларга етмоғин кутган эдим асрлар,  
Қайта салобат топди мен тиклаган қасрлар.  
Бир шерюрак фарзандим авлодимга бош бўлди,  
Минбардан кўрқмай айтди, эл армони фош бўлди.  
Фитналарга беписанд тўғри йўлни танлади,  
Эл улусни сиз-сизлаб, ғаламисни санлади.  
Ул бошлаган эзгулик самарин кўрмоқдаман,  
Сиймосида мангулик қамарин кўрмоқдаман.  
Тошкентда от миндирди, Самарқандда тахтда-  
ман,  
Довюрак ворисимни қўллай деган аҳддаман.  
Темурийлар музейин қурдирганига балли,  
Ардоқда эканимдан руҳим топди тасалли».

## ЮКСАЛИШ

Ўрганилди давлатлар тараққиёт йўллари,  
Барчасин четга сурди Президент қўллари.  
Ривожланиш модели «Беш тамойил» ишланди,  
Жорий топиб, дунёга ҳосиласи пешланди.  
Суверен давлат дея тан олдилар оқибат,  
Қутловлар оқимиға етмайин қолди сарҳад.  
Ана энди ажради дўсту нодўст, бетараф,  
Оқилона режалар ечимин кутар саф-саф.  
Алломалар номини тиклашга боғланди бел,  
Боқий иморатларга зиёратдан тинмас эл.  
Ички, ташқи душманлар қабиҳ ишин бошлади,  
Ёлғон ваъда, мўмай пул улар қалбин тошлади.  
Бахт йўлига чиққан эл шахт маромин буздилар,  
Тинчликка рахна солиш режасини туздилар.  
Беназир алломалар руҳларига саловот,  
Улар сақлашгани-чун юз ўғирди талофот  
Яхшиликлар тилади бизларга тўрт томонлар,  
Сергаклик заруратин ўргатдилар ёмонлар.  
«Бирни кўриб шукр қил, бирни кўриб фикр қил»,  
Нақлига амал қилиб ўсиш топдик муттасил.  
Инқироз четлаб ўтди, Юртбошимиз ёруғ юз,  
Қалби қора кимсалар ғараз отида ҳануз.

## ТАЪЛИМ-КЕЛАЖАК

Юрт эртасин ёшларга ишонмоғимиз лозим,  
Таълим ислоҳотига Юртбоши қилди жазм.  
Ўн икки йиллик таълим таклифи маъқулланди,  
Коллежу лицейларда янги услуб қўлланди.  
Касб-ҳунар ўрганмоққа бел боғлади ўфил-қиз,  
Мактабда сўнгги уч йил ҳунардор айлар шаксиз.  
Ёшларки бор ҳар бири ярар Ватан корига,  
Юртбоши рағбат берар фидолар изҳорига.  
Олий таълим ёшларни босқичларда синайди,  
Илмпарвар талаба китоб қучиб тунайди.  
Илмий олимпиада қай давлатда ўтса ҳам,  
Олтин медал олганлар элга қайтарлар шахдам.  
Хорижий экспертлар мактабларда бўлдилар,  
Чет элга солиштириб ҳайратларга тўлдилар.  
Таъмирланди, қурилди мактаблар янги-янги,  
Барчасида ҳукмрон бахтли ёшлик жаранги.  
Лицейлару коллежлар чорлар камолот сари,  
Юрт саҳнида намоён Юртбошим орзулари.

## **ЎЛКАНИНГ ҚОН ТОМИРИ**

«Ўлканинг қон томири темир йўллар», – дедилар,  
Узоқ туманлар халқин ташвишини едилар.  
Тоғ ораси Бойсун ҳам поездга кўксин очди,  
Темир йўл қурувчилар кенг ёздилар қулочни.  
Самарқандга қатнади поездлар аро ноёб,  
Йўлга қўйиб атаймиз номини «Афросиёб».  
Таъмирталаб темир йўл янгиланди мустаҳкам,  
Панжаралар йўл четин хавфсизлигига қарам.  
Ҳамдўстлик давлатлари бўлиб қолди ҳангу-манг,  
Пўлат излар гурсиллаб энди беради жаранг.  
Дунё бўйлаб саккизта мамлакатда бу поезд,  
Шулар ичра бизда ҳам қоладир мангу поезд.  
Самарқанднинг сайрига бир кунда бориб келинг,  
Ҳар шароит муҳайё поездда елдек елинг.  
Юртбошимнинг энг катта ниятлари бор яна,  
«Қамчиқ»дан поезд ўтса қиламиз тўй-тантана».  
Ниятлари амалин тўйин кўрмоқ ёр бўлсин,  
Бу ишлар самарига Аллоҳ мададкор бўлсин.

## **САНЪАТ – САОДАТ**

Ўзлимиз танитмоқ мақсадидан қолмаймиз,  
Кимлимиз билсинлар, мақтанишдан толмаймиз.  
Эътиборни диалогтар санъатга қаратамиз,  
Дунёни жалб этувчи лойиҳа яратамиз.  
Авваламбор, қурилди олий ўқув даргоҳи,  
Томошадан тўймайди сайёҳларнинг нигоҳи.  
Темур бобом қолдирган Самарқанд чиройланди,  
«Шарқ тароналари» ул Регистонга бойланди.  
Ҳар икки йил дунёнинг санъат аҳли сараси,  
Келганида лол айлар Самарқанд манзараси.



Меҳмонлар санъатидан баҳра олгаймиз барча,  
Улар ташлаб кетарлар юрагидан бир парча.  
Устоз Турғун Алимат дотор, танбур, сатода,  
«Олтин ноҳун» бармоқда, фикри дилхуш навода,  
Фарангистон халқини сеҳрига бойлаб қайтган,  
Улар қалбин ўзбекнинг меҳрига бойлаб қайтган.  
Қалбида санъат унган ёшларимиз беҳисоб,  
Улар ахир эртаимиз, бўларлар арбоб, жаноб.  
Истиқдол мевасидан тотсин дея истиқбол,  
Ёш истеъдодлар учун таъсис этилди «Ниҳол».  
Ҳар байрамда куйлади санъаткорлар омадли,  
Ҳуснига қуёш мафтун Барчинойдек қоматли.  
Муסיқа мактаблари ноёб санъат қасридир,  
Насиб этса бу аср куйловчилар асридир.  
Яна бир ноёбимиз бордир бизнинг халқ аро,  
Заминнинг ҳеч бурчида учрамайди, бу – танҳо.  
Қўлида дўмбираси, онги китоб жовони,  
Ўттиз ё қирқ дostonни ёд этажак имкони,  
Бахши-шоир аталур қиёси йўқ истеъдод,  
Ижрода жўшиб борар, бепарводан лаззат ёт.  
Уммон орти юртларда улар ҳам куйлаб келар,  
Бизнинг миллат кимлигин ғайрига сўйлаб келар.  
Юртбошимиз уларнинг илҳоми жўшсин дея,  
Замон қаҳрамонларин дostonга қўшсин дея,  
«Халқ бахшиси» унвонин таъсис этдилар бунёд,  
Муносиб бахши учун бу энг буюк мукофот.

## МАЪНАВИЯТ МАДҲИДА

Маънавият майдони асарларга мунтазир,  
Адабиёт тулпорин йўртмоқ керак беназир.  
Устозлар мадорини китобларга тўкканлар,  
Инжу излаб илҳомнинг уммонига чўкканлар.  
Қаламга ким ошино тунда кулар мисраси,  
Янги ташбеҳлар айтиб ҳайрат улар мисраси.  
Ижодкорлик заҳмати кимнинг йўлин ёритар,  
Асари чоп этилгач толиққанин аритар.  
Ёшлар учун имконлар эшиклари очилди,  
Ижод дастурхонига илҳом, мавзу сочилди.  
Зулфияхоним йўлин берсин учун қизларга,  
«Зулфия» мукофоти берилди азизларга.  
«Ижод» фонди тикланди, «Ижод уйи» илҳомбахш,  
Сиҳатингиз созловда шифокорлар бор жонбахш.  
«Ижод уйи» йўлингиз пойламоқдан толмасин,  
Ёзилажак фикрлар армон бўлиб қолмасин.

## ФЕРМЕРЛИК

Бўлиб берилди ерлар, ер билан сўзлаганга,  
Ҳосилдорлик йўлида юлдузни кўзлаганга.  
Бу ислоҳот самари кўринди ҳар кун сайин,  
«Колхоз» луғатдан ўчди, ном топилмади тайин.  
Деҳқон хўжалик бўлди, бўлди фермер хўжалик,  
Ширкат ҳам деб кўрилди, оқланмади унчалик.  
Фермерликни танлади, кўп тармоқли ибора,  
Раҳбар тадбиркор бўлса, иш кўринар тобора.  
Чорвачилик, боғу роғ, балиқчилик авж олар,  
Паррандага талаб кўп, орзу уфқи мавж олар.  
Ғалла, пахта майдони фермерлар нигоҳида,  
Улар дала кезади тонг ойи гувоҳида.  
Ҳар туп кўчат фарзанди силаб, ният тилайди,  
Кунда ривожин кўриб, пешонасин силайди.  
Аллоҳнинг саховати хирмонларда кулди, ҳа,  
Замин берган унумдан ҳайрат кўзга тўлди, ҳа.  
Етти миллиондан ошиб кетди ғалла тоннаси,  
Хирмонлар тинчин бузди автолар колоннаси.  
Пахтагирлар ташрифи оширди ҳосил нархин,  
Нарх мўлжалга келмаса бузмаймиз хирмон  
тархин.

Дала кезган яширмас, айтар дил, қувончини,  
Фермерлар оқладилар Президент ишончини.

## **ДОНДОР ДОНГДОРЛАРГА**

Ернинг фарзанди ерни Она дер,  
Меҳрин эмганман қона-қона дер.  
Кимлар бепарво, ёт бегона дер,  
Миришкорларни эл мардона дер,  
Ҳосил чироқдир, биз парвона дер.

Шудгорлар олгач бағрига донни,  
Уруғлик ўсди, қувнатиб жонни.  
Майдон кўкарди, жўштириб қонни,  
Заҳмат тортганга минг шукрона дер,  
Ҳосил чироқдир, биз парвона дер.

Булутлар бағри сўкилди кўп бор,  
Ёмғирлар тинмай тўкилди кўп бор.  
Бошоқлар қадди букилди кўп бор,  
Деҳқон жонсарақ дон дурдона дер,  
Ҳосил чироқдир, биз парвона дер.

Қадоқ қўлларга битилгай дoston,  
Меҳнат самари уйилган хирмон.  
Халқнинг раҳмати деҳқонга дармон,  
Соғлиқ ёр бўлсин ҳар бир жона дер,  
Ҳосил чироқдир, биз парвона дер.

Фермерлар бугун ёруғ юз, шодлар,  
Дала кезганлар вақти бомдодлар.  
Мададкор бўлиб руҳи аждодлар,  
Нуриддин қуллуқ гул замона дер,  
Ҳосил чироқдир, биз парвона дер

## **ЧЕГАРАЧИ ҚЎШИНЛАРМИЗ**

Эл ишқида оқар танда қонимиз,  
Она замин буғдойидан нонимиз.  
Садқа бўлғай керак эса жонимиз,  
Чегарачи қўшинлармиз, қалқонмиз.

Тинчлик – бу бахт, бермагаймиз асло бой,  
Кундуз қуёш, тунда ҳамроҳ кўкда ой.  
Йўлдошимиз қорабайир – учқур той,  
Чегарачи қўшинлармиз, қалқонмиз.

«Мард ўғлонлар қўриқлар», – дер элимиз,  
Ўсиб борар истиқлолли йилимиз.  
Бепарволик банд айламас дилимиз,  
Чегарачи қўшинлармиз, қалқонмиз.

Волиданинг оқ сутини оқлаймиз,  
Қасамёдни дил тўрида сақлаймиз.  
Сарҳад бузар фарёдига боқмаймиз,  
Чегарачи қўшинлармиз, қалқонмиз.

Сувда, кўкда, қуруқликда кезамиз,  
Қанот қоқса қуш шарпасин сезамиз.  
Душман келса қумурсқадай эзамиз,  
Чегарачи қўшинлармиз, қалқонмиз.

## **ҚЎШИҚ**

Сир ҳам Аму камаймасин оби ҳаётинг,  
Тин олмасин шовуллаган қўшиқ – баётинг.

Табиатнинг гўзаллиги сенга ҳамоғуш,  
Завол топма асрларга етсин саботинг.

Қирғоқларни бузиб кетсин асов, шўхлигинг,  
Булутларга етар учсанг, ҳовур – қанотинг.

Қорли қоя сенга умр тилаб қолади,  
Саратон ҳам тизгинлолмас, сабоинг – бодинг.

Бободехқон дуоларин мустажобида,  
Ризқ-рўзимиз баракоти сенинг нажотинг.

Чўлу саҳро, ўлкалардан мавжинг аяма  
Баҳра олган мавжудотда кулгай муродинг.

Нуриддиннинг ҳар сўзида қадринг мужассам,  
Айтгум, банда исроф қилма сув бу – ҳаётинг.

## **ТАҚДИРИМСАН, БАХТИМСАН**

Мустақиллик йигирма ёшин нишонлади,  
Қутламоққа келганни эъзозда меҳмонлади.  
Ушбу йигирма йилда юртимиз янги бўлди,  
Тонг уйғотар чорловнинг қалбда жаранги бўлди.  
Йигирма бир йилликка шахдам босдик қадамни,  
Саодатга сарфладик ҳар дақиқа, ҳар дамни.  
Навбатдаги шоҳбайрам шиорланди, номланди,  
Шиор моҳиятидан аҳли эл илҳомланди.

Сахий қуёш аямай меҳр нурин сочади,  
Тарих ҳар тонг яна бир янги варақ очади.  
Эзгуликлар рўёби кўнгилларни қучади,  
Фурур жўшиб тилимга шундай шиор кўчади, –  
Тақдиримсан, бахтимсан, эркин ва обод Ватан!

Ҳурликнинг қимматини баҳолашга сон етмас,  
Машаққатли йўл босдик кўздан суврати кетмас.  
Тараққиёт йўлимиз қай элларни лол этмас,  
Байналмилал, аҳилмиз, иноқлик асло йитмас,  
Тақдиримсан, бахтимсан, эркин ва обод Ватан!

Ривож топган давлатлар қаторида ўрни бор,  
Солномалар гувоҳлар бизга қандай эътибор.  
Баркамол авлод ўсар қўлда имкон, иқтидор,  
Дунёни ром айламоқ бахти бўлган барқарор,  
Тақдиримсан, бахтимсан, эркин ва обод Ватан!

Беш тамойил амалда асосланди йилма-йил,  
Бир мушт бўлиб майдонга чиққан эл зўр  
муттасил.  
Ҳумо қўнгач бу элга режалар берди ҳосил,  
Бунёдкорлик авж олиб сайёҳлар деган: қойил!  
Тақдиримсан, бахтимсан, эркин ва обод Ватан!

Дунёвий инқироз ҳам қилмади зарра асар,  
Фидоий халқимизнинг меҳнати тўқди самар.  
Барқарор тинчлик бермиш зафар кетидан зафар,  
Нуриддин айтаримни айтиб қилай мухтасар,  
Тақдиримсан, бахтимсан, эркин ва обод Ватан!

## **ИФТИХОР**

Бизнинг фойдага ишлар сония, соату ой,  
Мустақиллик улғайди, ганимга берилмас бой.  
Вилоятлар, туманлар, қишлоқлар марказлари,  
Замонавий уйсозлар қўлида кулди бари.  
Уйсозликда Андижон лойиҳаси яралди,  
Меъморий афзаллиги ўлка бўйлаб таралди.  
Қурилиш хомашёси ўзимизнинг маҳсулот,  
Четникини олмаймиз, улардан олсак уят.  
Тоғларимиз бағрида ўлчами йўқ мармар кон,  
Зеб тарқатмоқ бобида мармар ягона ҳамон.  
Марказий кўчаларнинг икки ёни уйланди.  
Фаровонлик йўлида ечимлар хўп уйланди.  
Эҳтиёжга не даркор изланмас бозор аро.  
Биринчи қаватга туш унда ҳар не муҳайё.  
Инсон манфаатига хизмат қилар ҳар соҳа,  
Бу юрт қадрин билмаслар моликдурлар гуноҳа.  
Ютуқларнинг салмоғин байрамлар кўз-кўз этар,  
Энди Ўзбек довруғи асрлар оша етар.

## **ҚАДР-ҚИММАТИМ, ТАЯНЧИМ**

Ўн ёшида кулиб кирган янги асрга,  
Юртбошимиз бунёд этган озод қасрга.  
Фурсат камолот улашиб улғаяр бирга,  
Шукроналар зийнат сочса ҳар бир тақдирга,  
Ватандошим, айтадурсиз: дилда боримсан –  
«Қадр-қимматим, таянчим ва ифтихоримсан,  
Мустақил Ўзбекистон»



«Афросиёб» қисқартирди йўллар вақтини,  
Ёшлар суръат талаб экан кесманг шахтини,  
Дуогўйлар яратгандан сўранг бахтини,  
Саробларга қолмагай кун, кўргач нақдини,  
Ватандошим, айтадурсиз, дилнинг аҳдини:  
«Қадр-қимматим, таянчим ва ифтихоримсан,  
Мустақил Ўзбекистон»

Йиллар очди фаровонлик дастурхонини,  
Яширолмас кўзлар ҳайрат, ҳаяжонини,  
Она Замин тўкин бергач пахта, донини,  
Узоқ умр тилаб, алқаб юрт Сарбонини, –  
Ватандошим, айтадурсиз, шараф-шонини:  
«Қадр-қимматим, таянчим ва ифтихоримсан,  
Мустақил Ўзбекистон»

Амударё елкасига кўприк қўндириб,  
Илму фанга меҳр бериб самар ундириб,  
Саховатга, ҳотамликка ерни қўндириб,  
Қувонгандан, элдош қўйгач ишни дўндириб, –  
Ватандошим, айтадурсиз, сўзни тиндириб:  
«Қадр-қимматим, таянчим ва ифтихоримсан,  
Мустақил Ўзбекистон»

Иншооллоҳ ҳурлик бўлғай умри бепоён,  
Орзуларнинг рўёбидан кўзлар чароғон,  
Сергакликни унутмасак ёт эрур армон,  
Нуриддин шеър ато этгач тўйга армуғон, –  
Ватандошим, айтадурсиз, дилдан бегумон:  
«Қадр-қимматим, таянчим ва ифтихоримсан,  
Мустақил Ўзбекистон»

## **АРМУҒОН**

*(Ном берилган йилларга бахшидалар)*

«Йилдан йилнинг фарқи бор, ўттиз икки нархи бор», дейди халқимиз. Ҳар бир йилнинг ўзгача таровати, ўзгача омади, ўзгача бахти бўлар экан. Мустақиллик йилларида муҳтарам Юртбошимиз келаётган ҳар бир йилга янги ном беришни таклиф қилдилар. Натижада ҳар йил янги мазмун, янги маъно касб этди, халқимизга ғайрат, шижоат, юртимизга улкан бунёдкорлик келтирди.

Ҳар бирига алоҳида Давлат дастурлари тузилди.

Янгилик ҳамиша илҳом бахш этади. Камина ҳам навбатдаги машқларимни яхши ният билан «Армуғон» деб атадим.

### **1991 – «Алишер Навоий» йили**

Маънолар мулкининг ҳоқони Навоий,  
Магар газал тан эрса, жони Навоий.

Ижод заҳматига ҳаёти бахшида,  
Ҳазратлар карвонин сарбони Навоий.

Сўз айтган инсонлар таъзимдадирлар,  
Туғ тутган соҳиби қирони Навоий.

Қай дилга яратган солса ишқ озорин,  
Баёни дардининг имкони Навоий.

Асрлар карвони ўтди ҳам ўтажак,  
Туркий тил яшнаган замони Навоий.

Муסיқа илми ҳам ул зотга юз очган,  
«Қадри наво» дил куйи – эҳсони Навоий.

Ҳатто бир томчимас, гард эрур Нуриддин,  
Гард кўкка ўрласа осмони Навоий.

### **1993 – «Ҳожа Аҳмад Яссавий» йили**

Илми тариқат уммон, унинг тубидан  
Энг сара дур жавоҳир йиққан Яссавий.  
«Ҳикматлар»и то бугун маънолар сочиб,  
Маърифат чироғини ёққан Яссавий.

Йиллар карвони неча юзларга ўтди,  
Тилимиздан тушиб қолмади номи.  
Неча бир синовлар юртни тарк этди,  
Яссавийга насиб, ҳурлик инъоми.

### **1994 – «Мирзо Улуғбек» йили**

Темурийзодалар ичра энг закий,  
Буюк мунажжим ҳам давлат арбоби.  
Расадхона қуриб сайри самода  
Юлдузларга ҳамдам бўлмишдир хоби.

Элик беш йил умр ўтмади зое,  
Қолдирган мероси яшар то ҳануз.  
Олти юз йилдирки таваллуд кунин  
Нишонлаб, эслагай башар то ҳануз.

## **1996 – «Амир Темур» йили**

Юз йилда бир бора туғилар буюк,  
Буюклар буюги Темур бобомдир.  
Истиқлол ул зотни айлади суюк,  
Суюклар суюги Темур бобомдир.

Мазлумлар тилида зикр топди у,  
Мўғуллар тахтига урди зарбани.  
Мустақил давлатни барпо этди у,  
Заковати енгди ғазаб, зардани.

У тузган давлатда гуллади ҳаёт,  
Адолат эш бўлди ҳар сафарига.  
«Темур тузуклари» Ҳумодай қанот,  
Ҳамроҳдир бугун ҳам эл зафарига.

## **1997 – «Инсон манфаатлари» йили**

Инсон манфаатларин дастурлари ишланди,  
Ҳаракатда неки бор равнаққа қилди хизмат.  
Юртбошим тузган улуғ режалар олқишланди,  
Ҳар бирининг асоси, халққа чексиз муҳаббат.

Ўсиш шахдам одимлар манфаатдир манзили,  
Гумондорлар ҳанузам иккилангани уят.  
Саховатга қўл берди ҳурликнинг ҳар бир йили,  
Миллионларнинг кўзлари сочмоқда мамнуният.

Манфаатсиз ишларга рағбат берар қани, ким?  
Манфаатга таянар ишбилармон, тадбиркор.  
Инсон фароғатига гувоҳ бўлгайдир юртим,  
Қўллагайдир ҳамиша яратган Парвардигор.

## **1998 – «Оила» йили**

Туннинг таровати кулса ой ила,  
Даралар яшнаса ирмоқ, сой ила.  
Ватан фароғатин шахт қадамига,  
Ҳиссасин жо айлар ҳар бир оила.

Оила қуёшдай муқаддас эрур,  
Унга кимки бефарқ топгуси гуноҳ.  
Тотувлик кимга эш, кўкрагин керур,  
Оила ватандир, Ватан – саждагоҳ.

## **1999 – «Аёллар» йили**

Ишқ оташи ёндирганда дил,  
Талпинарди икков муттасил.  
Фитна, раҳна солганда бахил,  
Фурур тушиб синса ҳам чил-чил,  
Ошиқ-маъшуқ меҳрибон, аҳил,  
Шакаргуфтор бўлиб икки тил,  
Улашади ёрига иқбол,  
Эсли-ҳушли, оқила аёл.

Жилмайиши мудом ҳуш, майин,  
Эритарди оҳ, симобдаин,  
Нолимайди қайтарсанг райин,  
Қўл урмайди ишга билмайин.  
Ривож топиб кун ўтган сайин,  
Истиқболи қулмоғи тайин.  
Ранжиганда йўқотмас хаёл  
Эсли-ҳушли, оқила аёл.

Муқаддас, деб шеърлар тўқилиб,  
Давраларда такрор ўқилиб.  
Азизлигу ўз қадрин билиб,  
Уялтирмас зимдан тикилиб,  
Рақибини йўлдан йўқ қилиб,  
Ўз ёридан кўнглин тўқ қилиб,  
Қувнаб яшар эркин қуш мисол,  
Эсли-ҳушли, оқила аёл.

Интиғу зор йўл пойлаганин,  
Пардоз-андоз чиройлаганин,  
Танлаб-танлаб ёр сайлаганин,  
Кулгу билан ром айлаганин,  
Дил тўрига дил жойлаганин,  
Мажнунтолга сир сўйлаганин,  
Ёдга олиб кулади хиёл,  
Эсли-ҳушли, оқила аёл.

Меҳри қуёш, ҳамроҳ оқибат,  
Умр ўтар, тўхтамас фурсат.  
Занжир каби боғлиқ муҳаббат,  
Қулаверар орзулар қат-қат.  
Ҳурмат эрга бахш этар савлат,  
Нохушликлар қилолмас журъат,  
Лабзи ширин, покиза, ҳалол,  
Эсли-ҳушли, оқила аёл.

Йиллар қўниб бошни «қор» қилгач,  
Кексаликнинг гаштин ёр қилгач,  
Ўғил-қизлар эътибор қилгач,  
Тилакларин бор, тайёр қилгач,

Набиралар интизор қилгач,  
Соғинч ўртаб беқарор қилгач,  
Бахт нима деб бермайди савол,  
Эсли-ҳушли, оқила аёл.

Аёл кулса, дунё кулгани,  
Завққа тўлса, дунё тўлгани,  
Тўйлар кўрса, бахтли бўлгани,  
Қаҳри келса, ғаним ўлгани,  
Юрак ютиб «хира» бўл қани,  
Чақноқ кўзлар маҳв этар сани.  
Нуриддин дер: топмасин заво,л,  
Эсли-ҳушли, оқила аёл.

## **2000 – «Соғлом авлод» йили**

Ҳаёт занжирининг бардавомлиги,  
Авлоддан-авлодга ўтару йитмас.  
Жисмонан соғломлик бебаҳо, лекин  
Маънан носоғ фарзанд элни шод этмас.

Нияти пок бўлсин, йўли оқ бўлсин,  
Маърифат бўстонин терсин гулидан.  
Сўзлари қаймоғу кўз чақноқ бўлсин,  
Чалғимасин асло тўғри йўлидан.

Ҳурлик қуёшининг нури абад ёр  
Бўлмоғи саломат авлод қўлида.  
Соғлом фикрли зўр авлод боради,  
Келажаги буюк юртнинг йўлида.

## **2001 – «Оналар ва болалар» йили**

Она кўнгли болада, дерлар,  
Шундай бўлиб яралган она.  
Бола кўнгли далада, дерлар,  
Хавотирда кутар остона.

Парвонадир фарзанди учун,  
Табиатнинг каромати бу.  
Жамлаб баъзан меҳри-ю кучин,  
Оттиради тонгни беуйқу.

Миллат умрин этмоқ-чун дароз,  
Серфарзандлик она аҳдидир.  
Болаларга меҳри пояндоз.  
Гўдак – подшо, меҳр – тахтидир.

Орзу эди истиқлол, ҳурлик,  
Армон эди, қулди муддао.  
Авлодларнинг ҳаёти нурлик,  
Бугун бахтли яшайди дунё.

Юрт бойлиги онаю бола,  
Бежиз эмас юксак эътибор.  
Она меҳри шаффоф шалола,  
Замин тинчу осмон беғубор.



## **2002 – «Қарияларни қадрлаш» йили**

Сўрамадик баъзан ийманиб,  
Қолган чоғда фикран қийналиб.

Гурур баттол тутиб қўлимиз,  
Чалкаштирди тўғри йўлимиз.

Чигалликлар кундан-кун ўсди,  
Шошқалоқлик йўлимиз тўсди.

Етмаган чоғ биздаги ақл,  
Унутибмиз борлигин нақл:

«Пари билмас билганин қари,  
Қари дониш, зафар сарвари».

Ахир, улар карвонбоши-ку,  
Ниятлари тамал тоши-ку.

Кексалар – бу экан тожимиз,  
Баракамиз, қут-ривожимиз.

Томирларда қонлари оқар,  
Иймонлари – жонлари оқар.

Ҳалол яшаб, еганлар ҳалол,  
Ғуноҳ асли покликка завол.

Кўзларида толе намоён,  
Сўзларидан шукрона аён.

Сал адашсак қўлдан тутурлар,  
Дуо қилиб алқаб ўтурлар.

Ассаломни қилмасак канда,  
Бир енгиллик сезилар танда.

Илму урфон – ўқиган, яхши.  
Панд-насиҳат – одобнинг нақши.

Уй тўрида бўлсин жойлари,  
Улар фикр ҳотамтойлари.

Нени эксанг ўрасан, дерлар,  
Хирмон бўлгач кўрасан, дерлар.

Биламизки, бу қайтар дунё,  
Иzzат ҳурмат айна муддао.

Орзуларин ҳосили бизмиз,  
Истиқлолга эшу эгизмиз.

Кўзларининг нури бизларга,  
Қалбларининг қўри бизларга.

Йўлларига гуллар тўшайлик,  
Меҳр қўйиб, умр қўшайлик.

Чеҳралари кўрмасин ғамни,  
Дийдалари билмасин намни.

Тўрт мучангиз соғ бўлсин, деймиз,  
Ҳар дамингиз чоғ бўлсин, деймиз.

## **2003 – «Обод маҳалла» йили**

Қўчалари саришта,  
Аёллари фаришта,  
Ўрнак бўлар ҳар ишда,  
Нурли, обод маҳаллам.

Қадам босмайди ганим,  
Мўъжаз азиз ВАТАНим,  
Сенсан жаннатим маним,  
Қўшиқ – баёт маҳаллам.

Инсонларинг шод, маъқул,  
Ҳовлиларинг чаман, гул  
Бағрингдан кетмас булбул,  
Тилларда ёд маҳаллам.

Ёшлар ўсар қоматли,  
Ўқиш, ишда омадли,  
Саховат, саодатли,  
Ҳуру обод маҳаллам.

Асрлардан ўтасан,  
Тўйларда эл кутасан,  
Яхшига гул тутасан,  
Ҳар қуни тот маҳаллам.

Яшнайвер, кўрма завол,  
Йўлдошингдур истиқлол,  
Нуриддинга бахт иқбол,  
Ширин ҳаёт маҳаллам.

## **2004 – «Меҳр-мурувват» йили**

Меҳр, мурувват асли Аллоҳнинг инояти,  
Ерда неки жонзод бор сочган улар дилига.  
Шаккокликка қўл берган баъзи ул нобакорлар  
Ҳеч бўлмаса ширин сўз бойламаслар тилига.

Оналар меҳри тенгсиз, қиёслашга йўқ ўрин,  
Қўзи ғамни қувади, сўзи ором бешиги.  
Қўли бошинг силаса юраги тўкиб қўрин,  
Муруввати – хазинанг, дуоси – бахт эшиги.

Оталарнинг меҳридан шерюракдир ҳар ўғлон,  
Ўз туғилган юртидан оёқлари узилмас.  
Ота – Ватан тиргаги, фарзандин кўкси қалқон,  
Улар қасамёдидан халқнинг тинчи бузилмас.

Меҳр бериб ер чопсанг мурувватин топасан,  
Қўзларингда кулади қут-барака хирмони.  
Меҳринг дариг тутмасанг, тўйлар аро чопасан,  
Шул эмасми орзуинг, шу эмасми бахт кони?!

Меҳр тўкилган боғнинг ҳар тупида мурувват,  
Насибасин олади ҳосил ичра қуртлар ҳам.  
Бағри кенг аждодларнинг бир нақлини хотирла:  
«Ниятингга яраша ризқинг бутун, бўлмас кам».

Меҳр ва мурувватга ато бўлди ушбу йил.  
Қўнгулардан хасислик қочганлиги рост бўлсин.  
Яхшилик меҳмонига мезбонлик қилсин ҳар дил,  
Эл-юрт фароғат топиб, қўзларда қуёш кулсин!

## **2005 – «Сиҳат-саломатлик» йили**

Ошно бўлсин қаноат,  
Йироқ юрсин адоват,  
Тангри улашсин омад  
Дея: юртга саодат,  
Аҳли эл, бўл саломат,  
Саломатлик – фароғат.

Довонлардан ошмоқ бор,  
Дарёлардай тошмоқ бор,  
Манзил сари шошмоқ бор,  
Буюкликка шаҳодат,  
Аҳли эл, бўл саломат,  
Саломатлик – фароғат.

Ҳеч ким нолиш билмасин,  
Ишлаб толиш билмасин,  
Ётиб қолиш билмасин,  
Ривож топар табобат,  
Аҳли эл, бўл саломат,  
Саломатлик – фароғат.

Гиналар ёдланмасин,  
Ҳасрат зиёдланмасин,  
Орзу барбодланмасин,  
Эш бўлмасин ҳалокат,  
Аҳли эл, бўл саломат,  
Саломатлик – фароғат.

Тўрт мучамиз соғ бўлсин,  
Ўлка бағри боғ бўлсин,  
Нурий дили чоғ бўлсин,  
Барҳам топсин надомат,  
Аҳли эл, бўл саломат,  
Саломатлик – фароғат.

## **2006 – «Ҳомийлар ва шифокорлар» йили**

Элда бойлар кўпайса ҳомийлик авж олади,  
Уларнинг кўмагида камчилик топар барҳам.  
Баъзан тиббиётимиз чора излаб, толади,  
Ташхис тўғри қўйилган, аммо топилмас малҳам.

Таъмир талаб бинолар замонавий тусга зор,  
Ҳомийлар муруввати етди улар додига.  
Қасамёдга содиқлар турмади безътибор,  
Шифо улашиб етди кўнгуллар ободига.

Ҳомийлар, шифокорлар бир-бирига эш бўлиб,  
Халқ соғлиғи йўлида камарбаста, фидолар.  
Жонга озорлар етиб келганларга пеш бўлиб,  
Олганлари ташаккур, топганлари дуолар.

## **2007 – «Ижтимоий ҳимоя» йили**

Бу йил дуо йилидур десак хато бўлмайди,  
Кексалару ногирон, ёлғизларга ҳимоят.  
Ҳиммат бобидаги бу ишлар адо бўлмайди,  
Қайси хориж ватанда бордир бундай иноят?!

Фаровонлик тахтига қўйилган бир зина бу,  
Дадил боссак қадамни мақсадимиз кулажак.  
Истиқлолий йил борки, бебаҳо хазина бу  
Келажақда атоқли солномалар бўлажак.

## **2008 – «Ёшлар» йили**

Ўқи, ўрган, илм ол, шиорига амал қил,  
Ўзингни шу мақсадлар амалига қамал қил.

Бугун, эрта топилмас, ҳар дамни бил ғанимат,  
Куз хирмонин олмоққа, ниятингни ҳамал қил.

Тилакларинг рўёбин кўрмоққа йўл очилди,  
Ёшлар йилин қадрла ҳар юмушни жадал қил.

Мустақиллик фарзанди кирдинг янги асрга,  
Саодатинг йўлида не қилсанг ёш маҳал қил.

Мақтаб сени кузатди коллеж, олийгоҳларга,  
Ўқувга ташнадирсан ғайратингни машғал қил.

Сенинг ўз қўшиғинг бор, оҳанглари ўзгача,  
Имкон топиб сўзларин маъно сочар ғазал қил.

Жисми-жонинг беҳато, не истасанг муҳайё,  
Тил ўрганиб шууринг, фикринг бойит, гўзал қил.

## **2009 – «Қишлоқ тараққиёти ва фаровонлиги» йили**

Қишлоқ тараққий топиб, фаровонлик қўл берса,  
Қадриятлар тикланиб, одоб аро йўл берса.  
Шаҳарлардан қолишмай не изласанг муҳайё.  
Боғу роғлар, далалар ҳосилини мўл берса,  
Зарҳал ҳарфлар битилган китоб эмасми,  
дўстим?!

Маҳаллалар кенгайиб обод этса қишлоқни,  
Қўчаларда кўрмасанг оқибатга муштоқни.  
Фаровонлик манбаи газ, сув, чироқ, йўл бўлса,  
Халқ талаби уйғотса мутасадди мудроқни,  
Тараққиёт йўлида савоб эмасми, дўстим?!

Қават-қават бинолар, тўйхоналар кўз очса,  
Мактаб, коллеж, лицейлар келажакдан сўз очса,  
Тадбиркорлар мақсади равнақ топса, гулласа.  
Ҳар тонг уйлар эшигин барака, ризқ-рўз очса,  
Юртбошим ниятига жавоб эмасми, дўстим?!

## **2010 – «Баркамол авлод» йили**

Авлоднинг камолоти юртнинг камолотидир.  
Камолот алп қоматли ёшлар тулпор отидир.

Замон берган имкондан бебаҳралар қолмади,  
Компьютер, интернетлар севган машғулотидир.

Баркамоллик жисмоний етукликка менгзалар,  
Спортга чорлов, даъват, сиҳат тарғиботидир.



«Умид ниҳоллари» ҳам «Баркамол авлод»дан сўнг,  
«Универсиада» чаққон, ғолиблар қанотидир.

Саодатга элтгувчи йўллар ёруғ, чароғон.  
Теран фикр, тийрак кўз ёшлар ғафлат ётидир.

### **2011 – «Кичик бизнес ва хусусий тадбиркорлик» йили**

«Яхши ният – ярим давлат», бунини эл билар,  
Шун-чун инсон бир-бирига хуш тилак тилар,  
Лоқайдликдан ким бегона, ғазнаси кулар,  
Тадбиркорнинг манглайини бахт нури силар,  
Омад улар томонида ҳакамлик қилар.

Маблағ бўлса, тутма қўлда, пулни пул туғар,  
Бой беради, кимки пулни сандиққа йиғар.  
Ишбилармон билмас тиним, ҳар жойга сиғар,  
Тадбиркорнинг манглайини бахт нури силар,  
Омад улар томонида ҳакамлик қилар.

Ғоя билан юрар, доим қилар ташаббус,  
Натижасиз ишга бермас байрамона тус,  
Самар берар кори ҳоли, ишлаб даб-дуруст,  
Тадбиркорнинг манглайини бахт нури силар,  
Омад улар томонида ҳакамлик қилар.

Бой кўпайса, ортиб борар юртнинг бойлиги,  
Бўлар диёр эллар аро энг чиройлиги,  
Сармоя сўр, берар, тутса Ҳотамтойлиги,  
Тадбиркорнинг манглайини бахт нури силар.  
Омад улар томонида ҳакамлик қилар.

Бугунидан кўнгли тўқдир, эртаси порлоқ.  
Кундан-кунга машқи баланд, енголмас чарчоқ,  
Тўсқинликлар учраб турар, у голиб ҳар чоқ,  
Тадбиркорнинг манглайини бахт нури силар,  
Омад улар томонида ҳакамлик қилар.

Ҳомийликка қўл урсалар олам гулистон,  
Боғча, мактаб таъмирланган, саришта ҳар ён,  
Шундайлар бор, тиригида номлари дoston,  
Тадбиркорнинг манглайини бахт нури силар,  
Омад улар томонида ҳакамлик қилар.

Ҳавас билан боқмоқ керак омад ёрларга,  
Нияти пок, лабзи ҳалол жон-нисорларга,  
Нуриддин, ёз, оҳанг боғла дутор, торларга,  
Тадбиркорнинг манглайини бахт нури силар,  
Омад улар томонида ҳакамлик қилар.

## **2012 – «Мустаҳкам оила» йили**

Ота оқил йўл тутса,  
Зардасин ичга ютса,  
Гиналарин унутса,  
Оиланинг бахтидир.

Она кўзлари кулса,  
Ишқ боғидан гул юлса,  
Ҳар фарзанддан ўргулса,  
Оиланинг бахтидир.

Зурёдлар бўлса қобил,  
Ҳамжихатлик – таомил,  
Амал топса тамойил,  
Оиланинг бахтидир.

Лаганда ош есалар,  
Барча қондош есалар,  
Охир, раҳмат десалар,  
Оиланинг бахтидир.

Қилинса пандга амал.  
Бўлар муаммолар ҳал,  
Юрмасалар бемаҳал,  
Оиланинг бахтидир.

Ҳалол бўлса ҳар тишлам,  
Уйнинг синчи мустаҳкам.  
Бўлса тинчи мустаҳкам,  
Оиланинг бахтидир.

## **2013 – «Обод турмуш» йили**

Тараққиёт бор экан ҳар соҳага ривож ёр,  
Ўйлаганинг муҳайё бўлгай этсанг ихтиёр.  
Кўчаларда тирбандлик, автоулов шашқатор,  
Бозорларда бўш жой йўқ, инсон учун ҳар не бор.

Зиёратга борасан кўнгил таскин топади,  
Дўстлар висолин қўмсаб, хаёлинг тин топади.  
Суврати содиқ келса кўзимдан ин топади,  
Ғаниматдир ҳар бир он, ғаниматдир ҳар дийдор.

Кулбамиз бугун қаср, файзи энди кетмайди,  
Саховати илоҳий бурдага зор этмайди.  
Тинчлигимиз дахлсиз, ғаним қўли етмайди,  
Обод турмуш қурмоққа Аллоҳ ўзи мададкор.

Иншоотлар рўёбин кўрган кўзларда ҳайрат,  
Бунёдкорлар қўлида ҳам техника, ҳам ғайрат.  
Посбонларга ҳавас қил, ғулғула солар ҳайбат,  
Ғалласин йиғиб олгач фермер бўлар пахтакор.

Машаққатга ўрин йўқ, меҳнатга техника эш,  
Тинчлик берган неъматдан ҳамма бирдай этар нўш.  
Нуриддин ҳар ғазалга шукронангни жўшиб қўш,  
Озод Ватанда обод яшамонинг ифтихор.

## 2014 – «Соғлом бола» йили

Ота-она жони ҳалак, иситмада кичкинтой,  
Алаҳсирар, тўлғонарди, тумов бўлган ҳойнаҳой.  
Эътиборсиз қолмаганди муздай нарса емаган,  
Тадориги топилмаса, берилади имкон бой.

Оиланинг тинчи зарар топди, бола зорланди,  
Онаизор кўзида ёш, ота ҳам озорланди.  
Шифокорлар қатнови тез, умид улар қўлида,  
Хайриятки бола кулди, кундан-кун мадорланди.

Бир оила ҳолатидир, болажон бу Ватанда,  
Соғломликка эришувга кулган имкон Ватанда.  
Ер куррасин энг серфарзанд отасидир Юртбошим,  
Улар «Соғлом бола йили»н қилди эълон Ватанда.

«Соғлом муҳит яратайлик, ўссин соғлом авлодим,  
Мақсадимга етажакман бахтли кулса зурёдим.  
Соғлом танда соғ ақд, – деб айтилгани бежизмас»,  
Юртбошим бу даъватига пайвастадир муродим.

Соғлом бола кулгу сочар, келажак бор кўзида.  
Мисли лола кулгу сочар икки яноқ, юзида.  
«Бардам, жасур, ватанпарвар, мард ўғлонлар  
юртига,  
Соғлом бола керак», – дейди Юртбошим ҳар  
сўзида.

*Йиллар келаверади. Инсон довол ошаверади.  
Унинг манглай тери билан Ватан гуллаб  
яшнайверади. Йилларнинг каромати қалам  
аҳлига ҳам илҳом бераверади, номларидан  
ўргулиб шеър дostonлар ёзилаверади.*

## МУНДАРИЖА

Юрт меҳрига пайванд кўнгил изҳорлари .....	3
1991 йил 31 август .....	8
Етдик шундай замонларга .....	8
Озод юрт тимсоллари .....	9
Бахтномамиз .....	10
Асрнинг буюк иши .....	11
Янги аср, хуш келдинг .....	12
Яхши ният .....	13
Бахтинг барқарор бўлсин .....	14
Тинчлик элчиси .....	14
Шоҳсупанинг тўрида .....	16
Ўздэу авто .....	17
Ечим .....	18
Ёшлар ёр-ёри .....	18
Огоҳлик мухаммаси .....	19
Тараққиёт .....	20
Амир темур руҳи шод .....	21
Юксалиш .....	22
Таълим-келажак .....	23
Ўлканинг қон томири .....	24
Санъат – саодат .....	24
Маънавият мадҳида .....	26
Фермерлик .....	27
Дондор донгдорларга .....	28
Чегарачи қўшинлармиз .....	29
Қўшиқ .....	30
Тақдиримсан, бахтимсан .....	30
Ифтихор .....	32
Қадр-қимматим, таянчим .....	32
АРМУҒОН (ном берилган йилларга бахшидалар)	
1991 – «Алишер Навоий» йили .....	34
1993 – «Хожа Аҳмад Яссавий» йили .....	35

1994 – «Мирзо Улуғбек» йили .....	35
1996 – «Амир Темур» йили .....	36
1997 – «Инсон манфаатлари» йили .....	36
1998 – «Оила» йили .....	37
1999 – «Аёллар» йили .....	37
2000 – «Соғлом авлод» йили .....	39
2001 – «Оналар ва болалар» йили .....	40
2002 – «Қарияларни қадрлаш» йили .....	41
2003 – «Обод маҳалла» йили .....	43
2004 – «Меҳр-мурувват» йили .....	44
2005 – «Сиҳат-саломатлик» йили .....	45
2006 – «Ҳомийлар ва шифокорлар» йили .....	46
2007 – «Ижтимоий ҳимоя» йили .....	47
2008 – «Ёшлар» йили .....	47
2009 – «Қишлоқ тараққиёти ва фаровонлиги» йили .....	48
2010 – «Баркамол авлод» йили .....	48
2011 – «Кичик бизнес ва хусусий тадбиркорлик» йили .....	49
2012 – «Мустаҳкам оила» йили .....	50
2013 – «Обод турмуш» йили .....	52
2014 – «Соғлом бола» йили .....	53

*Адабий-бадгий нашр*

НУРИДДИН АМИНЖОН

**ЙИЛЛАР ҚЎШИҒИ**

Муҳаррир  
Маъмура ҚУТЛИЕВА

Бадгий муҳаррир  
Ҳусан МЕҲМОНОВ

Мусаҳҳиҳ  
Суннатилла МУСАМЕДОВ

Компьютерда саҳифаловчи  
Феруза БОТИРОВА

Босишга 28.04.2014 й.да рухсат этилди. Бичими 84x108 1\32.

Босма тобоғи 1,75. Шартли босма тобоғи 2,94.

Гарнитура «Bookman Сут+Uzb». Офсет қоғоз.

Адади 300 нусха. Буюртма № 22.

Баҳоси келишилган нархда.

«Янги аср авлоди» НММда тайёрланди ва чоп этилди.

Лицензия рақами: АИ № 198. 2011 йил 28.08 да берилган.

100113. Тошкент, Чилонзор-8, Қатортол кўчаси, 60.

***Мурожаат учун телефонлар:***

Нашр бўлими – 278-36-89; Маркетинг бўлими – 128-78-43

факс – 273-00-14; web-сайтимиз: [www.yangiasr.uz](http://www.yangiasr.uz)

e-mail: [yangiasravlod@mail.ru](mailto:yangiasravlod@mail.ru)